



Broj: 01/2-02-1278/13

Datum: 06.11.2013. godine

Na osnovu člana 62. Zakona o organizaciji organa uprave u Federaciji Bosne i Hercegovine («Službene novine Federacije BiH», broj 35/05), člana 28. Zakona o radu («Službene novine Federacije BiH», broj: 43/99, 32/00 i 29/03) i člana 16. Odluke o organizovanju općinskih službi uprave i posebnih službi općine Visoko („Službeni glasnik općine Visoko“, broj 5/06) Općinska načelnica Visoko, upućuje

**JAVNI POZIV
za prijem volontera na rad u službe za upravu i posebne službe općine Visoko**

Radi stručnog osposobljavanja za samostalan rad, raspisuje se Javni poziv za prijem volontera sa visokom stručnom spremom na rad u službe za upravu i posebne službe općine Visoko, bez zasnivanja radnog odnosa i to:

1. Volonter – diplomirani inženjer geodezije odnosno
bakalaureat/bachelor - inženjer geodezije..... 2 izvršioca
2. Volonter– diplomirani inženjer arhitekture,
odnosno bakalaureat/bachelor - inženjer
arhitekture..... 1 izvršilac
3. Volonter- diplomirani inženjer građevine,
odnosno bakalaureat/bachelor-inženjer
građevine..... 1 izvršilac.

Prijem volontera vrši se na određeno vrijeme u trajanju najduže do 1 (jedne) godine dana.

Na Javni poziv mogu se prijaviti lica koja, pored općih uslova predviđenih članom 25. Zakona o državnoj službi u Federaciji BiH („Službene novine FBiH“, broj: 29/03, 23/04, 39/04, 54/04, 67/05, 8/06 i 4/12 i „Službene novine ZDK“ broj: 9/10 i 3/12), ispunjavaju slijedeće uslove:

- VII stepen visoke stručne spreme, odnosno visoko obrazovanje prvog ili drugog ili trećeg ciklusa Bolonjskog sistema obrazovanja, tehničkog smjera;
- da se nalaze na evidenciji nezaposlenih osoba kod nadležne službe za zapošljavanje,
- da nemaju radno iskustvo nakon sticanja visoke stručne spreme.

Izbor kandidata koji ispunjavaju uslove izvršice se bodovanjem na osnovu slijedećih kriterija:

- I - prosjek ocjena završenog studija (cjelokupan prosjek ocjena svih studijskih godina),
- II - trajanje nezaposlenosti nakon sticanja diplome visoke stručne spreme, prema evidenciji nadležne službe za zapošljavanje,
- III - invalidnost– ako kandidat ima invalidnost 60% i više,
- IV - dodatni kriterij:
 - kandidati koji pripadaju boračkoj populaciji i to: porodice šehida/poginulih boraca, ratni vojni invalidi, demobilisani borci i članovi njihovih porodica i nosioci najvećih ratnih priznanja,
 - kandidati bez roditelja,
 - kandidati čija su oba roditelja nezaposlena,

V - intervju – provodi se sa svim kandidatima koji ispunjavaju uslove Javnog poziva u cilju procjene sposobnosti kandidata.

Potrebni dokumenti (originali ili ovjerene kopije):

1. Fakultetska diploma (nostrificirana diploma ukoliko fakultet nije završen u BiH),
2. Prosjek ocjena završenog studija,
3. Uvjerenje o državljanstvu,
4. Uvjerenje nadležne službe za zapošljavanje da se kandidat nalazi na evidenciji nezaposlenih osoba,
5. Dokaz o znanju jednog stranog jezika,
6. Dokaz o poznavanju rada na računaru,
7. Uvjerenje nadležnog organa o stepenu invalidnosti kandidata,
8. Uvjerenje nadležnog organa za vojne evidencije o pripadnosti Oružanim snagama BiH,
9. Rješenje o statusu porodice šehida i poginulih boraca, RVI i nosilaca najvećih ratnih priznanja izdata od nadležne službe za boračko-invalidsku zaštitu,
10. Uvjerenje nadležne službe za zapošljavanje o nezaposlenosti roditelja kandidata,
11. Uvjerenje iz matične knjige rođenih za kandidata i uvjerenje iz matične knjige umrlih za kandidate bez roditelja.

Ostale dokumente kojima se dokazuje ispunjavanje općih uslova, izabrani kandidati će biti dužni dostaviti Općinskoj načelnici u roku od 8 dana od dana prijema obavještenja o rezultatima Javnog poziva.

Zaprimljene prijave će razmotriti posebno formirana komisija, koja će obaviti i intervju sa kandidatima koji su dostavili dokumente tražene Javnim pozivom, nakon čega će utvrditi rang listu kandidata i istu dostaviti Općinskoj načelnici u skladu sa Odlukom o raspisivanju Javnog poziva za prijem volontera na rad u službama za upravu i posebnim službama općine Visoko

O datumu, vremenu i mjestu održavanja intervjua, kandidati će biti blagovremeno obavješteni.

Nakon provedenog postupka Javnog poziva, Općinska načelnica će donijeti akt o prijemu volontera, sa kojima će se zaključiti ugovor o volontiranju.

Prijave na Javni poziv podnose se isključivo na prijavnim obrascu koji se može preuzeti na službenoj web stranici Općine: www.visoko.gov.ba ili u Centru za pružanje usluga građanima općine Visoko.

Prijavu sa potrebnim dokumentima potrebno je dostaviti u roku od 8 dana od dana objave Javnog poziva na oglasnoj ploči Općine, putem pošte ili prijemne kancelarije u Centru za pružanje usluga građanima, u zatvorenoj koverti na adresu:

OPĆINA VISOKO
UL. ALIJE IZETBEGOVIĆA 12A VISOKO
sa naznakom:
„Javni poziv za prijem volontera ”

Nepotpune, neuredne i neblagovremene prijave neće se uzeti u razmatranje.

Objavljeno na oglasnoj ploči općine Visoko:
_____.2013. godine

OPĆINSKA NEČELNICA VISOKO
Amra Babić